

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>



כ"ש "הקבר

ש י ב ר י ה ש ב

28.  
246.

SEV DE

# MVTATIONE NOMINIS

*Ad illustranda varia Scripturae Sacrae  
Loca*

IN AVDITORIO PHILOSOPHICO

ACADEMIAE VVITTENBERGENSIS

DISPUTABUNT

PRAESES

IOHANNES MONETA

PHIL. MAG.

ET

RESPONDENS

AVGVSTVS FRIDERICVS GRAVN

WAHRENBVCCENSIS SAXO

S.S. TH. STVD.

A. O. R. M DCC XXII. D. XXIII. SEPT.

WITTENBERGAE, LITERIS GERDESIANIS.

Digitized by Google





e expectes hic L. B. seriem quandam uel elenchum auctorum, ut uocantur, Pseudonymum, qui nomen, quod prae se ferunt, dam, siue nescio quam gloriae affectationem prorsus neglecto: cum id ipsum multorum iam commentationibus illustratum sit; ut uel nostrum teruncium addere superuacaneum foret. Sed in eo maxime labor ac praesens uersabitur studium, ut inquiram: cur, quo iure, et quo sine a ueteribus haec nominum mutatio fuerit instituta? sic enim locis Scripturae S. non paucis lucem multam affundi posse, uidebis. Hoc, ut non iniucundum, imo longe utilissimum est; ita iam haec praefatus, ipsam rem exordiar.

§. I. Nomen absolute, uel cum addito *proprium*, ex ore CICERONIS (1) est, quod unicuique personae datur, quo suo quaeque proprio et certo uocabulo appelletur: siue iuxta Non. MARCELLUM, ipsum proprium singularum nomen rerum, quod uoce barbara etiam *indiuuiscum* appellatur, quia indiuiduis tantum, et maxime singularibus inhaeret, eaque ab aliis eiusdem speciei distinguit (2). Eiusmodi uero propria nomina, cum non solum rebus inanimatis (3), sed etiam

A 2

anima-

1.) Lib. 1. de inuention. p. m. 92. B. PHILO *Judaicus* uocat σύμβολα τῶν γεννητῶν lib. de mut. nom. Opp. p. m. 1046.

2.) Aliud enim est nomen *appellatiuum*, quod et *uocabulum*, cuius scil. significatio est communis pluribus, quod ex VARRONE de ling. lat. lib. 7. notat. A. POPMA de diff. Verb. Lib. III. p. 169. solent tamen et haec mutari, uel ob temporis mutationem; rerum ipsarum conditionem uel meliorem uel deteriolem; locorum praeterea dialectusque diuersitatem; nec non personarum, aliarumque circumstantiarum respectum. Unde tandem ista Synonymorum farrago etc. uid. LACTANTII diu. instit. Lib. VI. c. 15. p. m. 486. sq. coll. ERASMO de cop. uerb. Lib. I. p. m. 24. 28. et SCHWARZII diff. de fatis uocum quarundam Altorff. 1714. edit. §. 1. sqq.

3.) E. gr. regionibus, urbibus etc. quanquam et ista mutationis fortunam subeant, quod noticia orbis cum ueteris, tum noui ex doctiss. CELLARIO haurienda, satis comprobat. Confer adhaec Num. XXXII. 38. Jos. XV. 8. coll. 2. Sam. V. 8. 1. Par. XII. 4.

animatis; hisque uel animantibus brutis, uel hominibus alligari soleant: missis iis, de nominibus hominum saltem in praesenti solliciti erimus. Est autem hic mos, homines proprio ornandi nomine, cum ipsa humanitate ortus, eiusque usus omnibus et ubique familiaris (4). Primus quidem huius ritus auctor merito ceniendus est DEVS, ordinis amans, hominem primum ADAMVM (5) nominans: cui in posteros deriuauit. Quo magis enim in dies multiplicabatur hominum genus; eo magis oportebat personas ab inuicem diuersis nominibus distingui: nisi miram ubique confusionem expectare uoluisses. Palam enim est, nominum homonymiam multa subinde incommoda secum trahere, alias non metuenda. Melioris proinde ordinis ergo, cuique homini, mox postquam in lucem exclusus est, constans ac determinatum nomen assignari, fas est: quod apud *Ebraeos* uel in ipsa natiuitate, (non tamen ut uim haberet sacramenti 6); uel in circumcisione octauo post partum die, (ut hodie in baptismo, quocunque fiat die) actum est. *Græci* iustratus solemnitate seu nomina instituebant 7. 10. imo 13. die. *Romani* circa pueros, nonum, circa puellas (7) octauum diem obseruare (8) soliti erant.

§. II.

- 4.) Conf. HOMERI Odyss. ©. u. 550. sqq. *Atlantes* tamen, gens Africae, degeneres sunt humani ritus, ut nulla inter eos sit nominum appellatio, teste PLINIO in hist. nat. Lib. V. c. 8. SOLINO in Polyh. c. 31. p. m. 291. MELA de sit. orb. Lib. I. c. 8. HERODOTO Lib. IV. p. m. 280. *Alex.* ab ALEXANDRO Gen. diar. Lib. II. c. 25. Simile de imae *Aethiopiae* incolis narrat SCALIGER in subtilit. Exerc. CCLXVI.
- 5.) An Adam sit nomen proprium? negat CLERICVS in Comm. in Gen. Proleg. diff. I. p. 2. conf. tamen Dn. DANZIVS in Interpr. Ebr. Chald. p. m. 68. not. FESSELIUS aduers. Sacr. T. II. p. 30. sqq. SCHVDT in trifol. Ebr. p. 90. BOECLERVST. I. diff. Acad. p. m. 327.
- 6.) Quod adstruit BEBELIVS in hist. Eccl. Antedil. p. 26. HEIDEGGERVS in hist. patriarch. P. I. Exerc. III. §. 57. 58. quorum hypothesin examinat BVDDEVS in hist. Eccl. Vet. Test. Tom. I. p. 129. 130.
- 7.) *Sinenses* tantum filiis certa nomina imponebant: filias uero secundum ordinem natiuitatis uocabant primam, secundam, tertiam, etc. uid. TRIGANTIVS Lib. I. de Christ. expedit. ad Sinens. c. 8. FRANCISCI *Indianischer Sitten-Spiegel* p. 839. apud J. C. MAENLING in den denkwürdigen curiositæten c. 14.
- 8.) Vid. ARISTOTELES in hist. anim. Lib. VII. c. 12. *Alex.* ab ALEXANDRO I. c. PFEIFFERVS in Antiqu. Gr. Lib. IV. c. 26. LOMEIERVS de iustrat. Gent. c. 27.

§. II. Ius imponendi nomen patres, ceu domini totius familiae ordinarie (9) sibi vindicarunt, hocce in negotio uel expressum DEI ~~ut~~ quantitatei uirantis, ~~rebus~~ nati; uel circumstantias natiuitatis, loci, temporis singulares; uel memoriam rerum ante, uel tunc gestarum; uel similitudinem cum alio; uel spem futurorum et bonum omen respicientes (10). Numero uero nomen unicum antiquitus tantum, deinde plura (11) imponebantur, quae per totam uitam constantia ac certa quisque ordinarie tenuit; donec ea in morte tandem una cum humanitate rursus deponeret.

§. III. Dixi, ordinarie homines nomina primo sibi collata inuariata retinuisse. Ob speciales enim nonnunquam rationes mutationem cum praenomen, tum cognomen passum est: qua pristinum in aliud, siue eiusdem, siue diuersae significationis; uel ex toto, uel saltem ex parte, in rei plane singularis memoriam transformabatur. Ritus huius post hominum memoriam antiquius exemplum in Sacris nullum agnoscimus, quam *Abrahae et Sarae* (12), licet sequioribus temporibus magis familiaris

A 3

eua-

- 9.) E. g. 2. Sam. XII. 24. Extraordinarie etiam matres, quod patet ex Gen. IV. 1. 25. c. XXIX. 38. sq. c. XXX. 24. c. XXXV. 18. Exod. II. 10. Jud. XIII. 24. 1. Sam. V. 20. Luc. I. 60. Vid. quoque HOMERI Odyss. Σ. v. 5. sed tamen nunquam sine praeuio consensu patris, quod obseruandum contra GALATINVM de Arc. C. V. c. 18. uid. Gen. XXXV. 18. et Luc. I. 59. 60. 62. 63. ubi *Zaccbarias* filiolo suo destinato consilio nomen tum temporis non adeo frequens, at uero hodie longe frequentissimum (\*) JOHANNIS scil. imposuit, discessionibus cognatis et amicis; nam et hi aliquando ius nomen imponendi exercere soliti erant. uide Ruth. IV. 17. coll. HOMERO l. c.

(\*) Nonnulli existimant ob hanc causam, quod domus, quae IOHANNEM aliquem capiat, libera a tonitru et fulmine esse credita olim fuit. Vid. ZEILERI Misc. lit. N. p. 340. *Beduinorum* autem, insulae Sokotorae incolarum, foeminae omnes MARIAE uocantur, quia nomen iis *foeminae* significat, teste DAPPERO in Afr. p. 657.

- 10.) Singularis plane ritus, ex assumptione uidelae ardentis nomen faustum et infaustum diiudicandi, ueteribus usitari, meminit CHRYSOSTOMVS ad 1. Cor. II. coll. LOBBETIO Lib. III. de pecc. prop. et FRANKIO in diss. de impos. nomin. §. 26. Caeterum non inuicunda obseruatu hac de re habet MONTAGVTIVS de rebus gestis Salom. Lib. I. c. 16. p. 47. et QVNSTEDTIVS in Syn. antiqu. Iud. et Chr. MSS. p. m. 147. sq. Conf. hic etiam KVNTZII Sched. de uiris nomine et omine illustribus, Ienae nuper edit. etc.
- 11.) De origine cognominum legi meretur B. NEVMANNI diss. hab. Witteb. 1683.
- 12.) Quod contra GROTIUM, CLERICVM et SIMONIVM erudite probat Dr. LOESCHERVS de caus. L. E. p. 10. sq. Solent enim

euaderet. Notabimus autem circa hanc nominis mutationem I) *differentiam*, II) *modum*, III) *diuisionem*, IV) *occasionem*, et V) *finem*.

§. IV. Differt itaque hæc *μετονομασία* 1) ab *ονοματῶμορφωσι*, qua nomen ex idiomate ignotiori in notius transfertur (13), ut tamen res significata uocabulo aequipollenti exprimitur: quam accuratius diceret *uariationem nominis*. 2) ab *ἀντιφράσι*, quando aliquid uel ob molestiam et odium; uel iucunditatem; uel modestiam; aut etiam irrisionem indignationemue; contraria uoce enunciamus: ut quando Matricidas, Philometros; Patricidas, Philopatros; Fratricidas, Philadelphos; et maxime inhumanos, Euergetas; ex Ptolemæis suis Aegyptii uocarunt (14). 3) ab *alteratione nominis*, quando alicui uel ob uirtutes singulares, uel ob uitia praegrandia nouum subinde cognomen inditur: quae haud raro pro mutatione strictiori sumitur. 4) ab *ονοματοποιία*, cum nomen rei plerumque a sono eius fingitur etc.

§. V. Mutantur autem nomina α) *adietione* uel *detractione* unius literae; uel β) *integrae syllabae*; γ) per *μετάθεσιν* seu *transpositionem* literarum, quod fieri solet in *anagrammatibus* (15) praecipue; tandem δ) *pristino saepe penitus repudiato*, noui cuiusdam electione et assumptione: de qua ultima nomen permutandi ratione imprimis hoc loco, quae nobis iam nihil aliud est, quam nominis plane noui impositio, et pristini saepe plenaria reiectio, ob rationem maxime singularem facta.

§. VI. Diuiditur *μετονομασία* I) *ratione auctorum* in diuinam et humanam. II.) *Personarum* α) in sacram (16) et profanam, β) *propriam* et alienam; γ) *illustrium* et plebeiorum seu *privatorum*. III.) *Modi* α) in simpli-

in obseruatione nominum alias Iudaei esse tenacissimi, ne quid cum paganis haberent commune. Hinc ELIAS LEVITA in *מקדמי משורגמן* maiores suos laudat, quod in captiuitate Aegyptiaca tria retinuerint inuariata: *שמותם מלכשם ושונם וג'*

13.) E. g. ex Germanico in Graecum, uel Latinum, cuius specimen nuper praedit Franckenh. 1710 et Aut. C. W. P. G. quae non est huius loci.

14.) Nescio, an fallantur, qui existimant P. R. tit. *seruum seruorum* se appellantis καὶ ἀντιφράσιν ita dici, cum Dominus Dominorum in hac terra esse, opere ipso affectet. uid. plur. de hoc tit. P. R. Dor. ASCIANI seu *Matth.* ZIMMERMANNI Mont. Piet. p. 30. 49. BECMANNI Synt. dign. p. m. 194. 1275. sq. et pecul. I. F. MAIERI diss. Witteb. 1685. edit.

15.) Quorum primum usum Ebraeis uindicat DICKINSON in Delph. Phoenic. p. 23.

16.) Quam polixius peculiari libro enarrauit PHILO *Iudaens* Opp. p. 1044 sqq. edit. Francof. 1691. fol.

simplicem et compositam;  $\beta$ ) communem et specialem;  $\gamma$ ) formalem et materialem;  $\delta$ ) totalem et partialem;  $\epsilon$ ) propriam et metaphoricam. IV) *Rerum* in  $\alpha$ ) ueram seu realem, et fictam seu rationis;  $\beta$ ) physicam et moralem. V) *Finis* in talem  $\alpha$ ) ob rem planam; uel mysticam seu typicam;  $\beta$ ) ad memoriam rei alicuius uel conseruandam, uel delendam. VI) *Adiunctionum* in talem  $\alpha$ ) ob honorem uel ignominiam;  $\beta$ ) in bonam et religiosam, seu malam et supersticiosam;  $\gamma$ ) in uoluntariam et inuoluntariam: unde cuiuscunque generis sarcasmi et myserismi proueniunt, qui Germanis *Spott- und Lächer- Namen* audiunt, (e. g. 2. Sam. XVI, 7.)  $\delta$ ) in arbitriariam et adstrictam. VII) *obiectionum*, quoad creaturas uel inanimatas, uel animatas. VIII) *Temporis* fit  $\alpha$ ) ob praeteritum, praesens et futurum;  $\beta$ ) in momentaneam et successiuam;  $\gamma$ ) constantem seu perpetuam, et (17) alternantem seu temporariam;  $\delta$ ) antecedentem seu priorem, et consequentem seu posteriorem, etc (18).

§. VII. Multae iam nominis mutandi occurrunt occasiones, interque eas I) *inaugurationis solemnitas* se offerunt, et quidem  $\alpha$ ) REGVM. Mos enim erat antiquissimus, ut *Regibus* (et nonnunquam *Reginis* etiam) boni ominis causa nomen aliquod uotiuum acclamaretur, quod ut plurimum nomini baptismali praeualebat, ne quid regiae maiestati deesse uideretur (19). Aliquando Reges ipsi suum nomen mutabant, partim ut *aemulos* se praestarent uiri alicuius magni (20); uel saepe etiam ob uanam *superbiam*, *diuinitatisque affectionem* (21.). Haec uero omnia,

17.) Distingue itaque *binomines*, ab iis, qui habent *binomium*, ut bene monet REVIVS in VALLAM ad Aët. XIII. 9. apud Crit. Angl. Tom. VII. Solent enim ob uarias rationes homines binomines fieri, cuiusmodi exempla sistit Gv. SVRENHVSEN in ספר המעשר p. 91. th. 2.

18.) Scilicet, quando quis nomen ut dicunt, aliquod fatale non solum ipse non assumit, sed eius usu posteris etiam interdicit. Quorsum nomina quaedam, quae nonnullis Regnis fatalia esse creduntur, pertinent. Eiusmodi nomen infaustum, et hominum male de Republ. meritorum, *Romani* suae gentis nulli imponendum uoluerunt, apud GELLIVM in not. Att. p. m. 200. *Graci* uero nedum pronunciarı, quod probat exemplum *Herostati* apud GELLIVM p. m. 49. coll. Val. MAXIMO Lib. VIII. c. 14. p. m. 478. quod etiam sibi evenisse conuenitur ostracismo e ciuitate pulsus THEMISTOCLES in Epist. ad Alcet. p. m. 7.

19.) Conf. hic JUSTINVS hist. Lib. X. c. 3.

20.) Ut *Alexandrus* postea *Alexander* apud HERODIANVM Lib. V. c. 7. p. m. 246.

21.) Hinc istud antiquorum studium genealogias, familias, et cognationes suas a diis repetendi e. g. in *Alexandro* apud CVRTIVM p. m. 173. *Antiocho* 2. Mac. IX, 5. 12. 28. *Herode* Aët. XII. 21. 22. 23.



omnia, ut uanitatis sunt plena, ita ab *Ebraeis* plane reiciebantur: (ne quid cum gentibus commune haberent) apud quos scil. humilitas Regum utramque fecit paginam, quam adeo iisdem quasi iniungebant. Hinc, ut in omnibus ad Iudaeorum mentem se componeret, et sic facilius eos ad se traheret Rex Regum CHRISTVS, et si nomen supra omnia nomina habuit (Phil. II, 9), humillimus tamen erat, ac erga omnes facilissimus. Quod uero diuersis subinde nominibus appellatur, fit ideo, ut iis tum eius persona; locus natiuitatis; tum praecipue uirtutes et officia adumbrarentur, uid. Matth. I, II. 23. Et VII, 14. quae nomina iam acceperat, antequam esset natus. Alias Reges eorum mundani eodem semper nomine utebantur, nisi forte regnum aliunde accepissent: tunc enim fuit mutatum ab eo, a quo regno adempti erant. Sic e. g. Pharaon Necho *Eliakim* uocauit *Ioiakim* 2. Reg. XXIII, 34. et Nebucadnezar *Matbaniam* dixit *Zidekiam* 2. Reg. XXIV, 17. Solet enim mutatio nominis ordinarie signum dominii esse: ut, simulac isti recens nomen pronunciarent, statim subiectionis suae memores redderentur, ne quid in praeiudicium et fraudem eius molirentur, cuius gratia regno potiti, quemque ut superiorem reuereri obligati sint. Nec minus β) Pontifices R. (22) inde ab *Sergio* II. sub initium regni sui ecclesiastici nomen baptismale in aliud quoduis (23) migrare iubent, quo deinceps per totum uitae cursum, usque ad articulum mortis utuntur, ubi scilicet istud, pristino iterum assumpto, saepe deponunt (24). Iudicium de hac P. R. nominis mutatione lege apud *Polydor. VERGILIUM* (25), qui ita: *primus bonos R. P. habetur, ut, si minus pulchro honestetur nomine, ei statim creato liceat illud mutare, u. g. si homo maleficus antea forte fuerit, ut Bonifacius appelletur; si timidus Leo; si rusticus Urbanus; si improbus, Innocentius; si impius, Pius; si ferox, Clemens; si male audierit, Benedictus: ut saltem nomine Pontifex ornamento sit dignitati.* Ita quidem

22.) Eandem consuetudinem sectantur *Patriarcha Constantinopolitani et Russorum*, nisi quod apud hos obtineat mutatio nominis adstricta etc. uid. *BECKMANNI* synt. dign. p. m. 539.

23.) Excepto solo *PETRI* nomine, quod nullus eligit, et si forte antea eo fuit usus, post electionem in caput Ecclesiae scilicet deponit, partim, ne quis secundum se diuo Petro statuatur; partim, quia suspicantur, fore, ut dignitas Papalis in secundo Petro olim expiret. uid. *BECKMANNI* l. c. p. 185. coll. *MAYERO* in Comm. de elect. Rom. P. c. VII. § 2. p. 166.

24.) Vid. *BECKMANNI* l. c. p. 538. et 1324.

25.) de inuent. rerum Lib. IV. c. 10. coll. *WAGENSEILIO* in diff. de elect. R. P. §. 22.

dem naturae suae malitiam Papicolae tegere satagunt, quorum omnis pietas solis ritibus ac ceremoniis tantum absolvitur, de interna cordis voluntatisque rectitudine parum solliciti, uel nihil, quibusque superstizio pro religione est.

§. VIII. Insignem etiam mutandi nominis occasionem dedit in ipso individuo mutatio II.) *status et conditionis*, uidelicet, si quis apud Romanos e numero *seruorum*, liber declararetur: tum enim iste nomini suo nomen et praenomen illius, a quo manumissus erat, praemittebat (26). Seruis enim nomen mutare alias non erat licitum. *Danieli* autem contra accidit. Olli nempe cum sociis, postquam libertatem amiserant, a praefecto aulicorum alia nomina imponebantur, uid. Dan. I, 7. si coniecturae locus est ideo, ut eos hac ratione praefectus quoque ad religionis mutationem eo facilius traheret, quos cum ueteri nomine, etiam religioni pristinae nuncium missuros existimabat, et prae multis aliis elegit, ut Regi olim seruirent. Non minus *Iosepho* Pharaonomen *Zophnath Paaneach* indidit, Genes. XLI, 45. sed ut nouo honori etiam noua auctoritas accederet (27). Imo quoque ob *matrimonium contractum* nominis mutatio solebat suscipi, quod euenit *Bartholae* Esr. II, 61. Neh. VII, 63. et *Estherae* (28), postquam ab Ahasuero in thalamum fuit adscita; quae antea *Hadassa* uocabatur, Esth. II, 7. Sequuntur enim hodie adhuc uxores non solum in usu honorum, sed et nominis, maritos suos. Apud *Ebraeos* tamen etiam *praeceptores discipulis* suis, (quos scil. prae coeteris curarunt) noua nomina indere subinde soliti erant: quod patet exemplo *Salomonis*, quem ex instinctu diuino Nathan uocauit *Iedidiah* 2. Sam. XII, 25. ut forte eum hac ratione ad maiorem erga DEVM reuerentiam ac timorem inuiteret, quo eius

B

amore

26) uid. O<sup>ff</sup> FALCONERIVS de Pyram. C. Cestii Epul. apud GRAEVIVM T. IV. p. 1478. et Sertorius VRSATVS de notis Rom. apud eundem T. XI. p. 552. Unuphr. PANVINIVS de antiqu. Rom. nom. apud eundem T. II. p. 1193.

27.) Integra de hoc nomine extat PFEIFFERI diff. in append. dub. uer. p. 100. sqq.

28.) Disceptant inter se Critici, an nomen sit Persicum, an Chaldaicum? Vide, si placet, PFEIFFERI Onomast. S. MSS. Tit. IV. §. 1. DRV-SIVM in Obseru. Lib. XII. c. 3. HILLERVM in Onom. p. 611. BVRTONVM in Lex. Ling. Pers. p. 105. PFEIFFERVM in dub. uer. p. m. 484. sq. coll. SELDENO de iure haereditat. c. IV. p. 19. sqq. pluribus.

amore se dignum exhiberet. Saepe discipuli ipsius praeceptoris nomen referebant, (e. g. *Iudas Lebbaeus* a magistro dictus fuit *Thaddaeus*, Matth. X, 3 etc.) forte, ut gratiam eius memoriam penes se conseruarent, tanquam qui saepe cum Alexandro plus debeant praeceptoribus, quam parentibus. Similem in modum magister cum eradita lingua quibuldam ex discipulis suis nomina commutauit, quos scil. prae aliis ad magna praestanda elegerat: ut eos ad constantiam et fortitudinem, diligentiam item in futuro officio adhibendam hortaretur. Ideo enim *Simonem* dixit *Petrum* Matth. X, 2. Marc. III, 16. coll. Matth. XVI, 18. *Iacobum* uero et *Iohannem* filios *Zebedaei*, sibi familiarissimos, uocauit *Benebargem* Marc. III, 17. tanquam quos euangelium strenue, cum emphasi, ac intrepide prae aliis praedicaturos; sicque regnum DEI multum amplificaturos esse cognouit (29). Conf. Psalm. LXVIII, 34. Haec etiam trahere potes III) adoptionem, a) quidem in numerum deorum apud paganos: ne quis putet consecratos homines unquam fuisse (30). Idem facere tenebantur, quos *Romani* in numerum *ciuium*, aut *equitum* suorum recipiebant (31), imprimis, quos in *filios* (32) adoptabant. Tum enim is, qui adoptatus esset, integrum nomen adoptantis ferebat, suum uero multa ratione uariatum recenti adiungebat. Nam haeredem ea saltem conditione faciebant, ut nomen eius ferret, filiusque illius, qui adoptabat eum testamento, esse diceretur. Ex modo dictis istis Scripturae S. effatis lucem aliquam foeneramur, ubi electi dicuntur nominati secundum nomen DEI, et liberi DEI, e. g. Deut. XXVIII, 10. Ier. XV, 16. Dan. IX, 19. Es. LXII, 12. coll. Leu. XI, 44. Rom. VIII, 16. 17. Rom. IX, 26. Gal. III, 26. 1. Ioh. III, 10.

Natu-

29.) Varias uariorum circa hoc nomen sententias nunc non moror, uid. easdem apud Criticos Anglic. in Marc. III, 7. T. VI. coll. PFEIFFERO in dub. uex. p. m. 908. sq. et LIGHTFOOTO in hor. Talm. in Matth. X, 2. HILLERO in Onom. p. 117.

30.) Vid. *Olaus BORRICHIVS* in antiqu. urb. Rom. fac. c. 8. apud GRAEVIVM T. IV. p. 1554. *DEMPSTERVS* in ROSINI antiqu. Rom. p. m. 300. coll. LACTANTIO de fals. relig. Lib. I. c. 21. et *Alex.* ab ALEXANDRO Gen. dier. fol. 325. b.

31.) Idem l. c. fol. 251. et 107. a.

32.) *Onuph. PANVINIVS* de nomin. Rom. *Anton.* AVGVSTINVS Libr. de leg. apud. GRAEVIVM T. II. p. 1207. et 2044. *Iacobus CVIACIVS* Obseru. lib. VII c. 7. *Pet. FABER* Semeſtr. Lib. I c. 14.

Natura enim omnes homines serui sunt Satanae i. Ioh. III, 10. filii irae et mortis Ephes. II, 3. Postquam autem DEVS ex infinita misericordia sua nos in Christo elegit; fideles nunc dicuntur populus DEI, peculium DEI; (Exod. XIX, 5. sq. Mal. III, 17. Ioh. I, 11. Tit. II, 14.) nunc *Christiani* (33), Act. XI, 26. coll. Iac. II, 7. a Christo, tanquam qui nos liberauit e seruitute Satanae, et in quo etiam iusti uncti sunt Spiritu S. Adeoque, qui nomen liberatoris nostri gerimus, imo fratres eius sumus, Matth. XII, 49. 50. olim etiam eiusdem cum eo haereditatis participes siemus, et id quidem iure gratiosae adoptionis per fidem in eum (34). Vid. Rom. VIII 14-17. coll. Gal. III. 26-29. Eph. I, 5.

§. IX. Ipsa saepe numero rei ac obiecti qualitas IV) *metonymias* occasio est. Sic enim ob typicam liberationis e seruitute Satanae per Christum instituendae, repraesentationem, *Hoseas* uocabatur, *Iosua*, Num. XIII, 9. coll. 17. Aliquando id contigit a) ad memoriam rei bene gestae, aut quam amamus, uel *conseruandam*, et ad similia in futurum praestanda, aut perseverantiam in bono, *adhortationem*; ut *Gideoni*, qui dictus fuit *Ierub Baal*, quia altare Beli uastauerat Iud. VI, 25. coll. VII, 1. Sic etiam Iacob filium *Benoni*, uocauit *Beniamin*, quia a Rahele in lucem editus erat, quam prae Leah amauerat, Gen. XXXV, 18. Vel β) ad memoriam rei malae, quae nos afflixit, quamque serio detestamur, *delendam*. Sic ob moerorem *Naemi* uocari uoluit *Mara* Ruth. I, 20. Sic uallem, ubi *Achan* delicti sui poenas dederat, ab eo cognominarant quidem; sed eius nomine in *Acher* mutato, ut scil. cum nomine tota eius, delictique commissi memoria deleteretur (35), ne quis ad similia perpetranda forte in posterum accederet, sed rem et poenam horreret, Ios. VII. 24. 26. et id ad aspectum loci, nominisque pronunciationem. Nonnunquam *congratulatio* ob rem strenue actam; uel rei insignis ac plane admirandae futurae *certiundo* ac *confirmatio* mutationem nominis causata fuit. Illa quidem in *Israele*, qui antea *Iacob* erat uocatus, Genes. XXXII. 28. haec autem in *Abrahamo*

33.) Conf. QVENSTEDTII Antiq. bibl. c. XIV. p. 919. sqq. et BVDDEI diff. de origine, dignitate et usu nominis Christiani, h. b. len. 1711.

34.) Vid. pluribus Frid. DE VTSCHII diff. de adoptione fidelium in liberos DEI, edit. Regiom. 1701.

35.) Alia hic uia Romanos et Graecos incedere, docui supra not. 18.

*hano et Sarab*, Genes. XVII. 5. 6. 15. 16. (36). Similiter ob *praedictionem malorum futurorum* nomen *Pashur* in *Magur* mutatum legimus Jer. XX. 1-6. Ad *fraudem uero tegendam* (37) *Iacob* nomen *Esau* ad tempus adsumsit, Genes. XXVII. 19. Praeter haec sunt aliae adhuc rerum conditiones, scil. si nomen pristinum uel *obscuro* aliquid in se contineat, ut *Sergii* II. P. R. qui ante dictus fuit *os porci*; uel *fatale* existat. Tum enim frequenter, imprimis a superstitionis sectatoribus, aliud nomen eligi suevit. Mitius sentiendum est de iis, qui nomina personarum mutant, ut in *casu necessitatis securitati* prospiciant suae, dum non semper ueritatem nudam sistere conuenit. Ex quo fonte *uniuersam* fere *mythologiam* profluxisse arbitror. Si enim Poetae semper uera cuiusque nomina expressissent, a priori nossemus, quid eorum fabulae sibi uellent? et innumeris coniecturis (38), aliquando otiosis

36.) Vario- rum sententias uid. in Crit. Angl. T. I. super h. l. coll. PHILONE Opp. p. 1053. sqq. CLERICO in h. l. et PFEIFFERO in dub. uex. p. m. 113. sqq. et 160. sqq. WILB. MOMMA in Oecon. Patriarch. p. 66.

37.) Conf. idem PFEIFFERVS p. 142. sq. 1. c.

38.) Ita certe est. Merae saltem coniecturae sunt, quae de sensu fabularum Poeticarum in medium afferuntur, quasque a posteriori saltem colligimus; scilicet ex conuenientia circumstantiarum fabulae, et rei suppositae. Ubi enim maior deprehenditur circumstantiarum harmonia, ibi probabilius concludere possum: Poetas hic respectum maiorem habuisse, quam ubi eiusmodi *ὁμολογία* non datur. Sic e. g. quia *immolatio Phrix* maiorem conuenientiam habet cum *immolatione Isaaci*, quam quidem *Iphigenia*; probabilius est, Poetas ad istam magis respexisse, quam ad hanc. Obseruanda uero haec sunt contra M. Frid. Andr. HALLBAVERVM Fac. Phil. Ien. Adi. V. C. qui in nupera diss., qua sacra in profanis exposuit, §. 17. pag. 13. contra diss. meas de *immolatione Phrix*, superiore anno editas, monuit: *etsi maior detur conuenientia inter Phrixum et Isaacum*; tamen Cael. BVD-DEI ac MAII sententias non esse reiiciendas aut improbandas, qui cum *Isaaco Iphigeniam* contendunt; cum eadem historia multis saepe fabulis a Poetis describi solet. Verum, neque ego istarum sententias improbo, sed saltem non tali NB. probabilitate gaudere, qualem mea habet, (ut dabunt ipsa uerba mea, si recte inspiciantur) assero. Est enim mea probabilior, quia maiorem sistit utriusque conuenientiam, quod, V. C. ipse fatetur. Vi oppositorum ergo, in qua re nulla datur circumstantiarum harmonia, ad eam neque Poetae in fabula alludunt. Quo posito, *sacrificium Saturni* ad *Abramicum* trahere non possum, quia hic nulla datur *ὁμολογία*, nam praeter ea, quae in diss. mea posteriori §. VII. dicta sunt, filios suos omnes deuorasse legitur alibi etc. uid. COMMODIANI instruct., adu. Gent. Deos p. m. 5.

ciosis, plane uacare possemus. Sed uero illis propter temporum iniquitatem aliquando ad hoc asyllum confugiendum erat.

§. X. Solet etiam mutatio nominis V) *conuersionis* et *poenitentias* signum esse. Veteres enim Christiani uel de Iudaismo, uel Paganismo ad Christianorum castra transeuntes, nomen pristinum deposuere: nequid amplius cum iis haberent commune, a quorum coetu erant egressi (39). Imo a Iudaeis mutationem nominis inter *media iustificacionis* (40) relata esse, legimus: quasi mutatio nominis integram integri hominis mutationem inferat. Propterea R. EPHRAIM in ג' רברים מכפרים שינוי השם ושינוי עיר גבורים inquit: עיר גבורים מקום ושינוי המעשה ונ' Quibus gemina leguntur in Cod. Talm. fol. 16. col. 1. et MAIMONIDE in Cod. תשובה Quemadmodum enim poenitentia apud eos ad articulos fundamentales refertur (41); ita mutatio nominis magnam, quin praecipuam eius partem constituit. Haec enim uim istam habere creditur, quasi homo peccator ad DEVM diceret: אני אחר ואני אותו האיש שעשה אותן המעשה ונ' Ex quibus nonnulli cum AMBROSIO, SCHIKARDO et BUXTORFIO Iun. diuum Paulum ansam sumpsisse praesumunt, quod nomen Sauli post sui conuersionem in Pauli commutauerit. Quod quidem mihi non aequè probabile uidetur; quia fabulas sapit Iudaeorum, quas Apostolus toties serio detestatur (42). Iam uero indignum fuisset doctori, si culpa ipsum redarguisset: cum imprimis longe alia uerae poenitentiae sint fundamenta. Alii Paulum ita dici uolunt a Sergio Paulo Pro-consule Cypri (A. G. XIII, 7.) (43), quem primum omnium ex gentibus imperio Christi subiecit. CHRYSOSTOMVS a DEO nomen accepisse autumat. Alii his Apostoli nominibus ad corporis eius

B 3

qua-

39.) Vid. EUSEBII hist. Eccl. lib. VIII. c. 21. et HOORNBECKIUM in Misc. sacr. lib. I. c. 17. p. 502.

40.) Conf. WITSIVM in Misc. sacr. P. II. Exerc. XXI. p. 701. P. H. OTHONEM in lex. Rabb. Phil. p. 467. sqq. BUXTORFIVM in praef. concord. Ebr. et Iuniorum in ספר קבוצים Mem. 16. p. 14. HACKSPANIVM in Cabb. Ind. §. 147. p. 23.

41.) uid. Rabb. Ioseph. ALBI עיקרים Orat. IV. c. 25. sqq.

42.) e. g. 1. Tim. I. 14. c. IV. 7. et 2. Tim. IV. 4. Conf. hic tamen J. M. LANGII comm. de genealogiis nunquam finiendis, et fabulis Iudaicis, Norib. 1696. edit.

43.) Ita uult HIERONYMVS, VALLA, ZEGERVVS etc. in Criticis Angl. I. c.

qualitatem et staturam respici (44) aiunt. Ego cum ERASMO, GROTIUS, REVIO, DRVSIO, LIGHTFOOT, CALOVIO, putarim: eum binominem fuisse, et pro duplici relatione hebraeum Sauli, ac postea ob conuersationem cum gentibus, Pauli nomen, a priori non adeo alienum, retulisse (45). Id, quod multorum exemplorum inductio, ueterum monumenta inspicienti, comprobatur (46). Proinde, qui sibi persuadent, Apostolos, ubi de *novo homine et noua creatura* loquuntur, ad hunc Iudaeorum ritum respicere: mihi quidem aliquid admittere uidentur, quod *Fanaticismo* congruum est, et *Pontificiorum* de B. O. sententiam maximopere iuuare potest. Cum tamen longe aliam uerae conuersionis et poenitentiae indolem esse, ueri Christiani ex S. literis clarissime doceantur, ut fabulis eiusmodi nullus merito locus relinquatur.

§. XI. Alium effectum mutationis nominum *Iudaei* in eo collocant, quod eadem VI) ad *uitae prorogationem* facere credatur. Nugantur enim, quolibet anno ineunte tres libros aperiri: unum pro summe impiis; alterum pro summe iustis; tertium pro intermediis: ex quibus priores statim ad mortem, inscribuntur, ut, nisi resipiscant, proximo anno uel morituri, uel in grauissimum morbum certo prolapsuri (47) sint. Hinc Iudaei cum grauissimo morbo confiscentes, nomen subinde deponere, et nouum adsciscere, in signum seriae poenitentiae solent, rati, si mors nomina sua in libro a DEO accepto non inueniat, ut se praetereat. Dicunt enim (48): *השם מקרע רינו של אדם* *Ein-*

44.) Vid. HILLERI Onomast. p. 914. PASOREM in Etym. nom. Prop. p. 46.

45.) Conf. Crit. Angl. in A8. XIII. 9. Tom. VII. LIGHTFOOTVM in hor. Talm. in 1. Cor. I. 1. CALOVIVM in bibl. illustr. ad A8. XIII. 9.

46.) Collegit talia BRAVNIVS in select. S. lib. I. cap. 2. §. 49. sqq. coll. §. 36. p. 34. coll. FABRICIO in bibl. antiqu. p. 595. sq.

47.) Vid. BVXTORFII synag. Iud. c. 23. p. 482. sqq. p. 696. et praef. Conc. Ebr. conf. etiam Rich. SIMONIVS ad LEONEM MUTINENSEM de cerem. et consuetudin. moder. Iud. p. 163. *lob. d' ESPAGNE* T. II. Opp. f. 111. sqq. etc. Imitatus hos est nuper A. 1667. ualitudinis recuperandae causa, nuperus Persarum Rex *Schach Sefi*, ut constat ex TAVERNIERII Itin. Part. I. lib. V. c. 1.

48.) Conf. HACKSPANII Misc. lib. II. c. 8. §. 6. p. 263.

Eiusmodi ineptiis miseri Iudaei se pascunt, qui alias mori satius ducebant, quam in nomine IEsu Nazareni sanari (49). Et quidem ex S. literis u. g. Exod. XXXII, 32. Pl. LXIX, 29. frustra omnino de libris uitae et mortis, fabulis suis praesidium aliquod quaerunt. Haec enim non proprie sunt accipienda; uerum saltem memoriam DEI gratiosam inuoluunt: qua eos ab aeterno iam cognouit, qui olim in eum per Christum credituri essent (50). Praeterea solent etiam Iudaei nomina aliorum mutare sic, ut ex literis initialibus cum nominis, tum cognominis, nouum aliquod producant, e. gr. in "ר" ש"ר" ר"ק ר"מכ"ס ר"לכנ"ג" quod tamen solius *compendit* ergo fieri nouimus. Quis uero istam nominum mutationem *superstitionem* habere matrem, non uidet? nullus enim ex ea ad homines effectus redundat (51); multi tamen nescio quid mysterii aut sacramenti subesse somniant. Quo nomine etiam ridiculi sunt *Religiosi* et *Monachi*, eorum nomina immutantes, quos in ordinem suum recipiunt (52). Conqueritur istud et sibi euenisse LVTHERVS, dum in baptismo *Marinus*, in monasterio autem *Augustinus* uocatus fit, qui tandem cum indignatione addit: *monachos bisce mutationibus testatos esse, defecisse se a Christo et baptismo*. Alios rursus *uana ambitio* et *inanis superbia* uexat, et nescio quae *antiquitatis affectatio*. Sic enim *Petrus LAETVS*, *Iulius Pomponius LAETVS*; *Iohannes DOVSA*, *Ianus DOVSA*; *Lucilius VANINVS*, *Iulius Caesar VANINVS*, nominari maluerunt (53): ubi uero iis, qui forte intendunt similia, saniozem omnino mentem precamur.

## §. XII.

49.) Cuius memorabile extat exemplum in Cod. עכורח זרה fol. 57. a. Conf. Iac. RHENFERDIUM in Opp. Philol. p. 215.

50.) Conf. Luc. X. 20. Phil. IV. 3. Apoc. III. 5. c. XIII. 8. c. XX. 12. c. XXII. 19. et elegantem Seb. SCHMIDII diss. de deletion e libro uitae, edit. Argent. 1655.

51.) Euolue BVDDEI thes. de Ath. et Sup. c. IX. §. 6. p. m. 751. sqq.

52.) uid. LVTHERI Comm. in Gen. c. XXXVI. fol. 537. coll. Edm. MARTENE de antiqu. monach. rit. p. 677.

53.) Merito exagitantur in CL. MENCKENII Charlatan. p. m. n. 209.



§. XII. Quemadmodum autem omnes actiones propter finem aliquem fiunt, ex quo etiam sunt aestimandae; ita quoque haec nominis mutatio ex suo fine diiudicanda est. Vbi tamen notes et discrimen facias uelim, inter μετανομασ(α)ν diuinam et humanam. Illa quidem sine omni controversia mysterii aliquid continet, et aliquando mutationem morum cum nomine simul intendit (54). Aliquando promissiones homini factas in memoriam eidem reuocabat, ad augendam in dies fidem et constantiam (55). BECMANNVS (56) eam ideo *sacramentum maximarum rerum* appellat. Quae uero ab hominibus est suscepta mutatio, non eodem pretio semper est habenda. Si enim aut memoriam rei bonae conseruandam; aut malae delendam; et cum ea scandali euitationem; si quoque ex aliis causis licitis ac civilibus nascitur; aut honesti uiri licitam aemulationem intendit; non adeo est improbanda. *Nihil enim mali est honesti hominis nomen adsumere* (57). Quam autem fraus, superstitio, uanitas aut superbia genuit; eam non solum illicitam, sed praeterea etiam in DEVM iniuriam iure meritoque pronunciamus: eo quod foedus, quod cum Numine in baptismo pepigimus, per istam studio uiolatur. Plura ob angustos satis, quibus hic loci, nescio cur? circumscribimur, terminos, addere iam non licet.

ל ב ל " נ ע

54.) Teste PHILONE de mut. nom. opp. p. 1055.

55.) Conf. HILLERVS in Onom. p. 497.

56.) In synt. dign. p. 532.

57.) Vt docet ULPIANVS apud GRAEVIUM T. II. p. 1207. conf. etiam p. 1192. et L. un. Cod. de mutat. nom. ab Imp. DIOCLETIANO latam. Vid. praeterea CICERONEM lib. II. ad Herenn. §. 41. p. m. 27.

